

# Nunatta Qitornai

## Inatsisartuni



23. oktober 2018

UKA2018/56

**Naalackersuinikkut sulinermit aningaasatigut tapiissuteqartarneq pillugu Inatsisartut inatsisaat allanngorteqqullugu Naalackersuisut peqquneqarnissaanik Inatsisartut aalajangiiffigisassaattut siunnersuut, maannakkut periuseq imatut allanngortillugu, partiit Inatsisartuni sinniisuutitaqartut tunngaviusumik 850.000 koruuninik tapiissummik pialersillugit kiisalu kingullermik Inatsisartunut qinersinerup inernera tunngavigalugu taasinermit ataatsimut 200 koruuninik pialersillugit. Attaviitsut taasinermit ataatsimut 200 koruuninik ukiumut tapiissutisalersinneqasapput agguaqatigiisitsineq 1/31 atorlugu kiisalu taasinerit tamarmiusut tunngavigalugit. Allannguineq atulersinneqassaaq ulloq 1. januaari 2019 aallarnerfigalugu.**

(Aleqa Hammond, NQ)

Inuiaqatigiinni aningaasaqarniarnerput patajaannerusoq tamatta qulakkeerniarlugu sulissuugut iluaquserneqartussat iluaqusersinnaaqqullugit aammalu aningaasatigut imminut napatissinnaaneq annertunerusoq angujumallugu.

Aningaasarsiorneq annertusarneqartariaqarpoq, patajaallisarneqarluni ilaqutariillu inuiaqatigiinni tamani aningaasatigut atugaatigut patajaattumik atugaqarnissaannut tamattaalluta inatsisartuni naalackersuisunilu qulakkeerinneqataasussaavugut.

Nunarput demokratiskiusumik ingerlavoq. Tunaartat tamat oqartussaanerannik aallaavilik, aqutseriaasoq inuiaqatigiit qinigaannik tunngavilik aammalu tamakkiisumik oqartussaaqataaffigigaat. Demokratiskiusumik atugassiisutaasut ataqqisassaapput aammalu paarilluagassaallutik tassaamat taakkua inuiaqatigiit qinigaattut ingerlatsiniarnermi pitsaassutsimik qulakkeerinnettussat illersugaaussallu naalackersuinikkut atukkat toqqissisimasut atugassaritinneqassappata.

Allaffissornikkut atugassaritinneqartut piumasaqaatigineqartullu amerlalluinnarput partiit qanorluunniit angitigigaluaaraani mikisunnguungaluaaraanniluunniit tamanut atuutsinneqartussaataasut. Paasissutissiisarnermut aningaartuutit, attaveqaateqarnermut aningaasartuutit, allaffeqarnermut aningaasartuutit, sulisoqarnermut aningaasartuutit, printerinermit aningaasartuutit, qarasaasarsornermut aningaasartuutit, aningaasatigut aqutsinermi aningaasartuutit, angalanissamut aningaasartuutit ilaannai taassangaanni matussuserneqartariaqartut.

Sipaarnerusariaqartungulli isumaqatigilluinnarparput. Oqilisaasuarnissaq eqaallisaanerunissarlu aqutissaavoq. Marloqiusamik oqaatsitigut ingerlatsinersuaq angivallaarujussuaqaaq. Piffissaq angisoorujuk aningaasarpasuillu millionilikkaat ukiut tamaasa partiit nutseritinersuarmut atortarpavut massa psiortatigoortumik nunatsinni oqaatsit oqaatsit ataasiinnaangaluartut, tassalu kalaallit oqaasii. Massakkut partiit allaffissornermi aningaasartuut annerpaatut taasariaqartoq piffissa-

# Nunatta Qitornai

## Inatsisartuni



millu annerpaamik atuisoq tassaavoq danskisuunngortitsinersuaq. Tamanna sipaarutigineqarsinnaasutut isigaarput siunnersuutigalugu partiinut suliatinneqartarnera unitsinneqarsinnaasoq siulittaasoqarfiullu danskisut nutserneqartarnissaanut akisussaaffik ilanngullugu tigusinnaagaa oqilisaa- nermilu aqqissuussineq ingerlassinnaallugu. Aningaasat tassuunakkut sipaarutigineqassasut isumaqarpugut tamallu oqartussaanerannut arlaannaatigulluunniit killiuliisutut isigineqarsinnaan- gitsutut isumaqarpugut.

Oqallisigilluassallugu soqutiginaqaaq inassutigarpullu siunnersuut inatsisartut ataatsimiititaliaan- nut ingerlateqqinneqassasoq.